

stoefmel

*ze hebt stoefmel veundn
in t oslerven
zon elfdoeznd joar ledn
hebt der a leu wond
t stoefmel
hebt ze lign loatn
t steuf te hard
bie t stoetbakn*

ben frey

limerick

*Nen slager in t dorp
Oaverdeenkel
heurn snachns n heel hard
gereenkel.
n Vearkn in nood
har skötn nen kloot
liek dwers duur de roet
van n weenkel.*

ben frey

Aander Eanske

(De binnstad van Eanske is ovaalvörmig, en doarum neunt ze dat „t ei”.)

*t Oalde geet a met de joarn
stöarig hen in oonze stad.
Ie köant toch ok nich alns
spoarn;
wat der west is, dat he’w had!*

*Joa, t begint der op te liekn:
doeznd dinge zoo mer vot!
Ok vuur dee textielfabriekn
was dit t leste leavnsloot.*

*Bint ze nich allaank an t böln
oawer wat wie nooit hebt had:
„kuuroord” met ne baank vuur
t spöln?
wordt noe Eanske reuk’loos
„BAD”?*

*Hoo t nog wordt, dat wee’w pas
later.
„Woar möt t hen met al dat
grei?,
stad met singels zonder water
en doar binn in dat ei”.*

ben frey